



彖坤澤也
坤以山
德之
高
雷
耳
象
明
秀
而
有
之
解
先
公
又
故
子
苦
嗚
曰
襄
困
終
往
名
以
大
奇
偉
俊
拔
當
出
山
川
騎
爻
良
不
誣
也
入
其
境
孩
童
忠
葛
初
儻
然
見
法
君
子
於
俎
豆
間
也
惻
山
謂
文
丞
相
可
初
因
統
徇
少
能
去
又
嗚
日
与
薦
紳
診
此
初
先
哲
口
我

國朝來重並訪先哲在弗日論論皇宗
徵招三先生即周益公亦最著公
行多事致書女史生學此為文典正爾
雖多垂不朽之鳥衣飛空以在塵
沒之休惜哉朱曰唯之昔不佞稍
習孔子崇論駢叢一代在為屈指
是公乃未親之之矣余之夫家可也

莊事之而今年散佚子孫之過也
有巨表名之而此表年而闕物
之司司之祀也且朱亦之與與周志
得表歐陽三先生之表之軼言何
也其那史程安未信其抑其因多
實少外之錄述之孔孔于是如之方
伯淳安劉公謀獨之梓之而過求

法人士此古無也我本道劉司理業
架白然得是干卷而充棟宇倫為
章叛渙又亥亥殊訛以佞此吏孔
是稍孩得書校雖而困於手板中
但會學博所與銳其校閱僅致勉
勤烏馬漸西教之門外彙并之里條
乃有繕定之付法刻刷寫既可成
因以次第卒業為編既就進
之
魁公張使君傳其報可曰白表
章先特以式後人有司了也
命宴以如之儼之端夫富因寡
陋即夙昔操鉛鉛目未視一班
而更以品隲文人死生任其第

思是繁遠佚散幾四百年一
旦昭揭人百言之文之顯晦亦為
道邪抑亦以人至因毫之彌
久而不朽在邪昔三考為捕思久且
後貴龍象劍筆精芒錫氣望
以通之獄沉埋能終掩之璫珠去世
新芒云公善屬文尤長於駢俚故
流傳四之章膾炙人口乃其披瀝
新繁遠絕聖碎金種之見之寶其何
其多矣亦隆於史紀公朱命溫
雅因來多情為一時詞中之冠而
徒為忠厚以善色其陞以洲親
擊之抵牾歸依由日之批擣乎不
改氣易步濡是梅之筆善也且為

堅也嗚呼公之鐘祥鯉川梅嶺
執圉奘歐陽德美子同叙香月壤
在區區以新集是集特為嗚呼矣
為

美履已矣清昭曰

清漳胡廷宴



周益公傳



周益公吉之廬陵人也其先大父倅廬陵因家
焉父潭國公釋褐魁多士王給事因妻以女時
王知平江府事携眷俱往靖康元年公生於府
治公幼而聰慧長乃博洽善屬文宋高宗紹興
中擢進士第中博學宏詞科召試館職除秘書
省正字宣赴垂拱殿勅充考校官改授宣教郎
兼國史編修除監察御史孝宗朝攝光祿丞行

事覃恩轉左奉議郎勅舉太上皇帝后尊號冊
寶除起居郎兼編修聖政擢中書舍人并給事
中隆興中同給事金安節繳龍大淵魯覲知閣
事詔命忤旨隨入奏遷祔乞祠乾道中轉左奉
議郎任台州崇道觀四年發遣南劍州改除閩
憲受告命繼入對後殿除秘書少監權直學士
院轉朝散郎兼國史編修實錄院檢討上御正
殿授皇太子冊寶捧寶行事權兵部侍郎尋除
禮部侍郎兼權直學士院升同修國史實錄院
同修撰九月兼侍講是時權中書舍人張說以
戚畹攀援執政簽書樞院事公入奏不允詔草
有旨外補宮觀即日出國門都人作四賢詩以
紀之至吉挈家入雲間新居後除知建寧公請
祠不允因以疾告尋提舉江州太平興國宮乃
還吉淳熙中除右文殿修撰召赴行在除敷文
閣待制侍講尋兼直學士復除兵部侍郎兼侍

講繼兼太子詹事會大慶殿大上皇帝壽聖皇
后加上尊號冊寶權禮侍押寶案轉朝奉大夫
值德壽慶典封管城縣開國男食邑太上日曆
成轉朝散大夫繼兼侍讀進封開國子除吏部
侍郎迨成祐陵實錄轉朝請大夫復除翰林學
士宣同宰執侍從赴芙蓉閣觀擊毬賜宴選德
殿和御製詩轉朝議大夫已而堅求外補詔不
允奉旨撰選德殿記進呈上宣至選德殿令中

使引至記石之下傳旨云記詞文采贍蔚今立
石召卿觀覽宣坐賜茶酒旋除禮部尚書兼翰
林學士奉旨撰文鑑序進呈并日曆成書轉中
大夫復於東宮講禮記徹章轉大中大夫進封
開國伯加食邑除吏部尚書兼翰林學士承旨
乞外祠詔不允受經筵徹章轉通議大夫又受
叅知政事進封滎陽郡侯加食邑復遷居政府
遇禱雨自引旱灾乞行黜責不允繼轉通奉大

夫進封滎陽郡公轉正議大夫擢石才府乞
罷政上宣諭傳位太子迨光宗受禪宣麻轉少
保進封益國公入奏辭免詔除觀文殿學士判
潭州奏辭不允未幾坐舉監文思院常良孫降
滎陽郡公三辭免不允經年復益國公懇改判
龍興府辭廟出至吉判龍興府辭免不允入奏
受醴泉觀使繼宣麻轉少傅四入奏乞回授有
旨依所乞公遷新第闢平園自號平園老叟寧
宗慶元中三上表乞引年致仕宣麻轉少傅致
仕加食邑嘉泰中御史覺察呂祖泰上書及公
姓名特降少保經年復少傅年七十有九卒贈
太師謚文忠公公諱必大號平園叟沒後有省
齋文稿及平園續稿行于世

胡生廷宴曰余聞之造物忌完象以齒焚翦以
羽鍛故文人類通於才而塞於遇或文彩表當
世而身丁坎壈若虞之愁韓之情色之洗

之澤畔賈之長沙抑何其拓落也公歷在口
周旋無失墜鼎鼎黃耆加地進秩眷顧不衰焉
豈不亦善始善終哉當其繳會覲誥命論張說
擢知樞府奮不顧身誠所謂補續折檻逆鱗不
避者耶乃其旅進廟廊雍容納牖雖古大臣風
度何以加哉身名俱泰業垂千秋良不虛矣

蜀錦堂記

安福重修鳳林橋記

萬安新學記

池閣記

孟媪葬記

碑箴類

永豐旌忠廟碑

吉州司戶廳綬簪箴

銘類

益壯齋銘

桂隱銘

愚谷銘

香山樓銘

馮軫元方琴銘

覺報寺鐘銘

慶雲寺塔銘

寒巖寺塔銘

跋類

光宗御書跋

鄴侯奏藁跋

李椿詩卷跋

蕭唐叟記跋

羅煒詩藁跋

廖中精記跋

胡侍郎撰胡苾周寺丞誌文跋

唐子西帖跋

韓子蒼諸人唱和詩跋

宋運判奏藁跋

黃山谷書唐人詩跋

東坡上薛樞密書跋

楊廷秀詩跋

富鄭公帖跋

楊廷秀長編跋

張九韶與陳朝彦序跋

曾無疑二帖跋

秦少章詩卷跋

向子諲遺事跋

東坡秧馬歌跋

尚書奏藁跋

揚無咎畫秋蘭跋

墓銘類

胡斗南墓銘

宣義郎胡公墓銘

彭使君墓銘

譚宣義墓銘

劉德采墓銘

通直郎彭君墓銘

率齋王君墓銘

曾迪功墓銘

孫史君墓銘

歐陽伯威墓銘

歐陽元鼎墓銘

石大夫墓銘

魯公登墓銘

王公寬墓銘

胡君泳墓銘

黃公石墓銘

李君發墓銘

尚大紳墓銘

段元愷墓銘

伯母安人尚氏墓銘

夫人王氏墓銘

神道碑類

太師張公燾神道碑

少師張公邵神道碑

丞相洪公适神道碑

朱公松神道碑

謝公諤神道碑

祭文類

祭徐淑人文

祭宋待制文

祭許寶文文

祭子柔弟文

祭羅長卿文

祭林虞仲文

祭王察院文

祭胡季懷文

祭汪尚書文

祭劉諫議文

祭莫子齋文

祭呂禮部文

祭范叅政文

祭尤尚書文

祭程尚書文

祭張史君文

祭仲遠丞相文

劄子類

范至能叅政

黃冲秉侍郎

趙子直丞相

陳應求丞相

谷史少傅

陳季陵侍郎

楊廷秀寶學

喻官教

王宣子侍郎

朱元晦待制

王仲行尚書

詹侍郎議之

馬晦升提刑

丘侍郎

趙泉使

王舍人

王憲

閻才元侍郎

閻都統

王謙仲樞使

程元成給事

葛楚輔樞密

梁叔子丞相

程太之侍郎

書類

張舍人

周侍御

黃編脩

蕭秀才

孫次山

周忠顯

呂正字

王子俊

韶州梁守

李教授

王主簿

沈叔晦

陳德卿

贛縣葉丞

無錫吳宰

陳秀才

朱熙祖

李運使

王教授

彭澤周宰

魯無疑

項平甫正字

呂寺丞

汪司業

徐樞幹

葉季興

撫州張瑑

廬陵趙宰

吉水王宰

汪聖錫尚書

張侍郎

胡邦漸侍郎

上梁文類

脩蓋射殿門上梁文

後殿上梁文

詩類

訪廷秀賞牡丹

營小圃偶成

與歐伯威集團中 魚兒牡丹

和花妃詩次韻 謝楊廷秀秋監

中秋 平園荷花

題中秋梅桂盛開

中秋賞梅花次韻廷秀

次韻楊廷秀 奉荅趙正則

步對兄芙蓉絕句 戲賀升卿

子中兄招飲次韻 送韓希道

謝賀升卿 三月三日會客江樓

龍學張彥文挽辭 余仲庸

奉和西美詩 桃花石絕句

次韻章茂猷 次楊廷秀

丞相余處恭挽辭 送梁山長老

回謝胡邦衡 又

夜直懷永和兄弟 登高真珠園

次邦衡韻 有懷泰之

再次邦衡

徐稚山挽詞

入直召對賜茶

過鄔子湖

餞劉文潛

次邦衡

送劉子和

次同年楊謹仲

次邦衡

會同年賞芍藥

次楊謹仲賞月詩

次徐元敏

次韓子溫尚書

送蔡迨赴桂陽

賦海棠郝李

送喻宮教出倅會稽

次陳叔晉舍人

送石似之

次張欽夫

明堂慶成二十韻

次戴子微

讀寶訓賜宴謝恩

吳學士挽辭

和龍舒兄韻

次七兄秋浦佳篇

寄張元善

賦呈程元成待制

寄題無盡藏堂

題謝尚書桂山堂

次胡元之

謝何用旆送羊羔酒

次謝趙太守山甫 次子中兄韻

次廷秀待制玉葉 次韓尚書

謝胡邦衡賜茗 再次邦衡

送康伯可 遠明樓詩

大椿戲題 壽星

游元齡寫予真求詩

口占小詩 戲題似務觀

次七兄韻為本覺長老題

青原祖證問予久不入山戲題

游仰山 岳興院僧舍瑋

覺報長老 題龍堂院宗懋真

與楊朱二待制 與老衲祖證

春山早起 寄楊誠齋

謝閣阜陳處和 劉高士雲琴圖

陳誠之約登快閣 柳州守羅達甫

太和丞葺三亭于官廨寄題三疊

奉簡侍講年兄 二首

送陳泰之蓮社

學士李仁甫挽詩 四首

東宮生辰二十韻 恭和御製古詩

謝御書古詩 慶東宮生辰

次范至能韻

賦類

夢仙賦

詞類

胡廉夫哀詞

頌類

雙栢頌

贊類

瀘溪先生贊 學士劉公贊

東坡像贊 六一先生贊

胡忠簡公贊 延春谷桃李寺泉贊

祥符長老寫予真求贊

青原僧真贊

平園老叟贊

長老紹南真贊

德光頂相贊

岑彦真贊

說類

辨老氏說

贈長老紹南說

戲谷劉江觀音說

如寄齋記

書曾無疑說

詩話類

陶淵明山海經

王禹偁不知貢舉

劉禹錫淮陰行

唐酒價

杜荀鶴事

唐與之重九詞

朱希真出處

老人十物

辨歐陽公金帶事

李石霜月詩

東坡寒碧詩

記夢

金鎖甲

論詩雅頌

祝文類

益公文選 目錄 十六
皇后生辰三茅觀設醮祝文

潭州祈雨祝文

薦尚氏姊水陸祝文

焚黃水陸文

廣教寺設供祝文

南嶽行宮祈晴文

東明寺祈晴祝文

疏類

西峰寺募緣疏

天華院募緣疏

周文忠公文選 卷一

宋益國公廬陵周必大著



明後學知邑事清漳胡廷宴輯

訓導豫章謝天彝訂

制策

第一道

史稱文帝比成康孝宣比商宗周宣當
否如何

對欲知帝王之心者必考其所學之道欲知帝王之治者必觀其所任之人在昔唐虞三代之君以若稽古之學迭相授受舜之用中堯實畀之禹之執中舜實畀之其在成湯所學者建中而已其在文武所學者皇極而已所謂變詐之術慘刻之法未嘗著之於心宣之於口是以治効純粹名聲彰聞載祀千百巍然不可企及則其所學之道為如何耶若皋夔若稷契若伊尹周公咸以賢聖之資居輔弼之任或陳九德或諧八音五教於此而敷百教於此而播一德足以致天心之格大勲足以光盟府之藏是以都俞而萬邦乂優游而百度舉經傳之所載先民之所談鏗錡炳耀盪人耳目由今望之若神人然則其所任之人為如何耶帝三既熄降及西漢言治者必以文帝宣帝為先一時治績著在冊史班班可考觀其親飾子女結匈奴和親之

好大明信義致單于渭上之朝偃兵息民人以
寧謐可謂有意於撫綏之方矣聞賈生之賢則
前夜半之席嘉黃霸之治則增潁川之秩才能
類進衆職脩理可謂有意於任用之術矣開籍
田以勸農舉孝弟以善俗總核名實信賞必罰
可謂有意於設施之要矣然究其終始推其功
効徃徃得於此而失於彼舉其小而遺其大故
制度可脩也而文帝未嘗脩德教可任也而宣
帝未嘗任彼豈憚於有為而其於自棄歟蓋其
所學非帝王之道而其所任非帝王之佐故也
何以言之人君之所為係其所學學于帝王則
足以成帝王之治學于駁雜則足以致駁雜之
治如符契之相合如影響之相隨有不可掩者
文帝所學者何道也刑名之道也宣帝所學者
何道也雜霸之道也夫惟二君所學如此其能
如帝王之存心乎愚故曰欲觀帝王之心必考

其所學之道者此也天下之大非一人所能治
必有賢哲為之佐佑然後可以大有為於當世
如股肱元首之相資如風虎雲龍之相從有不
可廢者文帝所相者何人也木訥之絳侯任氣
之申屠嘉而已宣帝所相者何人也好嚴之魏
相不事事之丙吉而已夫惟二君所任如此其
能繼帝王之盛治乎愚故曰欲知帝王之治必
觀其所任之人者此也夫文宣之學既如此文
宣之佐又如彼其有愧於三代之事業不必學
士大夫乃能知之雖三尺之童亦知之矣孰謂
班固負良史之才當筆削之任而昧於此乎請
為先生申其說夫周家之治起於文武而大備
於成康之時漢氏之業創於高惠而涵養於文
帝之世然則成康也文帝也皆守成之君也孟
堅於是稱之曰周云成康漢言文景蓋論其守
成之時相類如此非謂其心之所存治之所致

可以比夫成康也必欲責文帝以禮樂庶事之
備其如無成康之學何其如無成康之佐何商
周中否王業掃地賴高宗宣王而中興漢武窮
兵海內虛耗賴宣帝而復振然則高宗也宣王
也宣帝也皆中興之君也孟堅於是贊之曰可
謂中興侔德商宗周宣蓋論其中興之効相類
如此非謂其心之所存治之所致可以比夫商
周也必欲責宣帝以嘉靖商邦明文武之功業
其如無商周之學何其如無商周之佐何嗚呼
世已遠矣二帝三王之不可復見矣有君如文
帝如宣帝猶以所學非其道所任非其人遂不
足以為純粹之治况於晉唐之陵夷乎必欲舉
堯舜禹湯文武之道而又得皋夔稷契伊周之
臣則千載一時端在今日恭惟主上擴帝王之
量以撫寧方夏體天地之德以覆育群生綿宇
固已阜安民心固已愛戴方且日與一德大臣

緝熙百度潤色洪業可謂得帝王之道而又得
帝王之佐矣筭計見効豈炎劉之君敢冀其萬
一哉是宜執事先生推天保報上之誠作為問
目俾諸生兼舉而必陳之夫西漢撫綏之方任
用之術設施之要凡得失優劣之可言者愚蓋
詳言于前矣至於今日之治可得而形容者則
遽數之不能紀其盛悉數之乃復更僕未可終
也姑取詩人之頌以配當今之治庶幾乎美盛
德形容之義迹夫載戢干戈載櫜弓矢則時邁
之頌可以形容矣多黍多稌亦有高廩則豐年
之頌可以形容矣郊祀天地產祥降嘏願獻成
命之頌可乎設業設筮肇新雜樂則願獻有瞽
之頌可乎籍田所以勸農也何愧乎載芟之所
作原廟所以奉先也何愧乎絲衣之所陳興崇
太學足以掩在泮之美務農重穀足以掩在坰
之頌至若躬祀太一祈民福也禁止漁捕遂物

性也捐減田租裕民力也刊定法令明國章也
是以仁增而益高澤厚而愈深歡頌沸騰和氣
充溢上爲日月星辰順其序下爲鳥獸草木安
其生自非吾君之仁吾君之德則何以臻茲若
乃運至化於一堂之上納生靈於泰和之域熙
熙怡怡使百姓日用而不知謂帝力何有者則
又非諸生所能形容也

第二道

春秋賓禮八才之優劣

愚嘗讀周官之書見其設官分職以為民極六
卿之長各帥其屬治教也禮政也刑事也其任
既殊所掌亦異獨於賓客之禮則聯事合治不
專主於一職故太宰百官之長也而以禮待賓
鄉師地官之攷也而曰州共賓噐賓禮則以親
邦國春官固加詳矣候人以師方治夏官固有
司矣行人之職載於秋官圭王之制掌於玉人

此其大略也若夫待之以四郊之賦共之以外
府之財燕饗有儀賀慶有禮散在百官者又皆
繼祭祀而言之一何待之如是之厚紀之如是
之詳也耶此無他玉帛交贄有國盛典方將轉
戰爭之事而為揖遜之禮釋甲冑之器而為俎
豆之容使神州有磐石之安而甌越無風塵之
警則其待之厚而紀之詳不亦宜乎惟其如此
故當是時上焉卿士之在位者下焉俊秀之在
學者徃徃目熟乎待賓之儀耳熟乎待賓之樂
周旋進退勞贈酬答無不洞達於胞次一旦馳
四牡之車挾英蕩之節或賀慶以贊諸侯之喜
或蒞盟以交隣國之歡則無非專對之才無非
膚敏之使又豈有不忠不信者哉又豈有失節
辱命者哉下逮春秋之世諸侯暴橫爭戰相尋
其棄先王之典籍如弁髦土梗固不可與成周
之盛同日而語然而故國喬木風烈尚存執斧

五文選 卷一
伐柯其則不遠如叔孫穆子之聘晉也聞燕饗
之歌奏而有不拜重拜之別是所謂知君臣之
體者也五善之獲其庶幾乎叔弓之聘晉也郊
勞則辭致館則辭是所謂知謙遜之禮者也膚
使之美其庶幾乎叔向聘楚而問無不知是不
辱命者也士起朝王而辭不失舊是又能專對
者也以區區之鄭猶多君子故廷勞衛侯則太
叔簡子之才見稱於北宮郊餞宣子則子旗子
柳之賦亦盡於比興其於交際信可觀焉雖然
皆所謂一偏之才成周盛時但聞皇華之遣使
四牡之勞還而未嘗聞以一善之美一言之能
取重於世垂名於策者非無其人也全才既多
不可勝紀故也春秋之世則不然一善必聞一
言必著故長於斷事簡子以之長於應對太叔
以之必欲責簡子以應對責太叔以善斷吾恐
尺有所短矣推是以往則穆子之五善未必有

叔弓之膚美叔向之不辱未必有士起之專對
不謂之一偏之才可乎嗚呼驛驕不生凡馬可
以當上駟梗楠不出中材可以為巨用惟春秋
禮典湮滅人才難得故數子得以擅美於當世
而垂光於後代向使當成周之盛則家家自以
為稷契人人自以為皋陶固未容佼佼錚錚獨
有聞於世也恭惟主上好生之德保養生靈不
殺之武鞏固丕緒爰自睦隣脩好使命交馳禮
樂之光華庭賓之旅百視前古為有加焉則凡
被出疆之選膺仗節之寵者無非忠信威儀之
士辯博通敏之才蓋已遠邁春秋之時而疊疊
乎成周之盛矣執事先生親執文柄發為問目
以謂諸生異時或銜命而出必能增重國體且
舉春秋數子俾品藻而備陳之顧惟竅啟何足
以預此然蒙被教育之久鼓篋學校之間竊聞
朝廷待賓之重與周匹休朝夕之所觀感朋友

之所講習亦云熟矣所謂交際之道非曰能之
蓋亦不敢自處於春秋數子之後惟先生其進
之

第三道

務農

對敦本之道莫大於務農務農之要莫先於戢
兵何則邦以民為本民以食為天食之多寡不
在乎他在乎農而已農之勤耶則萬箱之積可
坐而致農之惰耶則九年之蓄無自而成為民
父母苟能旌其勤而賞之覈其惰而責之則非
特百姓之足也而國用亦足焉非特國用之足
也而禮義可興焉愚所謂敦本莫大於務農者
此也雖然上有務農之意而不知戢兵之道則
雖督之勤勤勸之諄諄吾特見其力勞而効寡
矣何也師之所處荆棘生焉大軍之後必有凶
年故也為民父母苟能懲忿而窒慾偃武而右

文則向也荷戈之士可使轉而為抱耒之農向也戰爭之場可使轉而為膏腴之壤於斯時也民安其生農復其業上之人雖無事於勸猶將勉焉况又督之勤勤勸之諄諄耶愚所謂務農莫先於戢兵者此也三代而上遼哉邈乎未易槩舉姑以成周之法質之昔者成王纘文武之緒又得周公為之佐兵已戢矣天下已定矣於是念稼穡之艱難思先公之貽訓置地官之職嚴井田之法觀其百穀為夫三夫為屋三屋為井三井方一里是謂九夫而八家於此共焉各受私田百畝公田十畝然後大司徒頒之以職事小司徒令之以貢賦遂師巡其稼穡遂大夫稽其功事凡田之不耕者則使之出屋粟以罰之夫惟勸之如此其至也督之如此其嚴也借有惰農亦將鞭其後而耻躬之不逮况於深耕易耨之畔乎家給人富無足怪者向使成王周

公不以生民為念而以黷武為心則轅門之士
衆而南畝之人寡轉餉之用繁而倉廩之蓄微
雖有井地烏得而耕諸雖有穀粟烏得而食諸
吾於此益知務農之道非戢兵莫可也我國家
列聖相承仁德昭著知敦本莫大乎務農也於
是乎行勸課之令若師臣若漕臣若守若令皆
以勸農為職則敦本之意可見矣知務農莫大
於戢兵也於是乎力戒征伐之事澶淵之後非
武之不振也恐南北之民不得盡力乎耕耨故
也元昊之和非威之不立也恐西人之子不得
盡力乎耕耨故也卒之倉廩充盈禮義興行政
教以平刑罰以清非戢兵之効歟逮于主上握
圖御極述追先志擴聖人之度締北道之歡詔
書數下專以便民為務比年以來人有常產地
無遺利金穰屢應百穀用成古所謂天下有道
却走馬以糞其在茲乎執事先生尚患大江以

北田疇未闢欲做成周下劑彊予之制俾民樂
於開墾特垂明問俯詢承學自非上體聖君之
德意而下欲知農之勤惰則何以及此側聞邇
者因守臣之請復力田之學置以學籍誘以爵
祿蓋將勸天下之農復兩淮之舊也假以歲月
則耕者四歸皆願出於吾君之野萬億及秭翹
足可俟又何必下劑以致之彊予以任之如遂
人所載乎若夫魏文當戰國之際兵革不息民
皆失業故李悝畫為盡地方之教漢武當窮師
之後海內虛耗飢饉薦臻故趙過平都令光之
徒或為代田或以人輓是皆權一時之宜救不
足之弊所謂積之涓涓洩之浩浩殊不知兵戢
則農富農富則用足紛紛之法果何益哉今必
欲舉是道以為盛時獻亦何異時雨既降而欲
進灌溉之利日月既出而欲揚燭火之光其為
惑也甚矣執事以為如何

周文忠公文選 卷一

麻制

皇弟少保靜江軍節度使充醴泉觀使恩

平郡王食邑一萬八百戶食實封四千四

百戶璩加食邑七百戶食實封三百戶制

門下朕上嘉成周卓冠隆古分寶玉於伯姝時

庸展親賜朕瞞於弟兄以佐保國茲均祭澤肆

協禮經乃眷宗盟首頒名命具官璩疏通和粹

謙恭坦夷貝胄朱綬視建牙於東魯旃旌績後
榮賜履於孟侯自歸糾族之權坐享奉祠之樂
朝宗有志奉幣而覲其泉道蹕無譁珥貂而陪
泰時迄拜熙成之況允資顯相之勞旣厚錫於
金繒仍載荒於井邑於戲肅祗齋戒予一人敢
憚於恭先富貴安榮爾萬國實均於賚予益思
夾輔茂對闕休

皇子雄武保寧軍節度使開府儀同三司
判明州軍州事提舉學事兼管內勸農使
兼汾海制置使魏王食邑八千戶食實封
三千二百戶愷加食邑一千戶食實封四
百戶制

門下舜類編神瑞必班於群后漢郊見帝金亦
賜於諸王矧予元祀之成思廣湛恩之錫若時
賢子實簡慈懷其敷寵章以首藩服具官愷鍾
英瓊榦流慶璿源笙磬鼓鑄有克諧之遠韻琮

璜珪璧無可指之纖瑕自分土於海邦尤宅心
於民事陂開九澤考吏課以惟優麥茂兩岐閱
仟圖而載懌雖覲圭之未展而王祭之實共宜
掘土田用均福祿於戲是宜是饗朕方對天地
祖宗之休惟孝惟忠爾夙明君臣父子之義尚
因胙祉益固盤維

武泰軍節度使開府儀同三司充萬壽觀
使信安郡開國公食邑二千六百戶食實
封一千戶曾覲加食邑五百戶食實封三
百戶制

門下朕克堪用德咸秩無文先六月以戒期各
揚乃職命五臣而揔使以迄于成逮此均醵首
茲馭貴具官曾覲才華敏妙器度寬和朱芾映
珩慕壯猷於方叔綠滕照乘保眉壽於僖侯旣
班三事之崇宜勵多儀之助提綱振領道涂次
舍之畢修款廟徂郊輦輅烝徒之咸賴勤勞至

矣褒賞隨之是豐多尸之輸仍衍真畬之入厥
惟餽惠亦以勸功於戲禮有五經祭為最重王
之八柄爵乃居先尚圖稱於茂恩庶永綏於來
譽

大尉威武軍節度使提舉江州太平興國
宮隴西郡開國公食邑五千六百戶食實
封一千八百戶李顯忠加食邑五百戶食
實封二百戶制

門下朕恪脩郊報備輯邦儀觀大盾之前驅時
則念攘除之帥對朱干之武舞時則思蹈厲之
臣豈以居家而忘賜胙具官李顯忠真誠不貳
英槩無前威暢鴈門蚤繼家聲之遠祥開鵲印
晚聯尉府之華雖膂力之或憊曾眷懷之未憇
十二之寵雅雅屬昇帖妥之壇三千之旒央央
夙振淵闐之旅紛鶡冠之拱北獨虓將之在東
是衍新會以光舊伐於戲思文嚴乎稷配賚及

多方掌武重於秦官息先右列祇拜穹蒼之况
益肩忠赤之心

懷遠軍節度琳州管內觀察處置等使金
紫光祿大夫檢校司徒使持節琳州諸軍
事琳州刺史兼御史大夫上柱國閩婆國
王食邑一萬一千九百戶食實封四千八
百戶悉里地茶蘭固野加食邑五百戶食
實封二百戶制

門下王者參天二地一視同仁故鞮鞻名官聲
樂並施於祭祀而明堂定位蠻夷分列於東南
豈伊慶賜之行曾是華離之異具官悉里地茶
蘭固野忠純傳世慈惠撫封奉我王明雖隔鯨
波之遠以其寶摯自通象譯之重屬陽陞之稱
徑為嘉師而介福配天其澤罔敢失荷帝鑒之
博臨率土之濱莫非臣宜海隅之遐暨寵加國
邑榮對神釐於戲久無烈風汝諒占於予祀丕

冒出日台深眷於爾邦往祇綸綽之言永貴要
荒之服

安南國王李天祚男龍翰襲封制

門下朕寅威寶命奄甸嘉師無怠無荒深謹暨
南之教曰同曰覲丕嘉拱北之星迺眷一邦茲
傳七世飭宣典冊播告臣工故推誠順化崇義
懷忠保信嚮德安遠承和秉禮歸仁協恭勵節
繼美遵度履正彰善贊治守謙功臣特進檢校
太帥靜海軍節度觀察處置等使兼御史大夫
上柱國安南國王食邑二萬戶食實封七千八
百戶贈侍中李天祚男龍翰流慶有源受材孔
裕雖尚居於幼穉已知繼於踐脩繫乃先王風
彰令問胙土分茅之久彌四十年梯山航海之
輸踰數千里克知厥若曰篤不忘茲永慨於遺
章爰首褒於愛嗣旌節按定陵之制官儀聯漢
相之班即樂國以肇封既從世襲極真王而錫

命何待次升加以土田被之功號雖纂服之惟
舊在殿邦而則新允續前徽尚綏後福於戲建
爾尹茲東夏古尤重於象賢維汝居國南鄉今
勿忘於來享俾周無斁曰商是常豈惟予一人
以寧亦保爾黎民之利

皇子愷除荆南集慶軍節度使行江陵尹
加食邑實封制

門下四牡入覲旂章載錫於諸侯三公出封車
服皆隆於九命茲謂周家之忠厚實壯文王之
本支眷言愛子之賢來報名藩之政是稽古誼
爰詔昕庭皇子雄武保寧軍節度使開府儀同
三司判明州軍州事兼管內勸農使兼沿海制
置使魏王食邑九千戶食實封三千六百戶愷
志節安和德猷粹穆淑身謹行居有令名保國
又民動無過舉自再分於銅武嘗屢下於璽書
念夫表海之勞遂乃朝宗之願三雍奉對固深

留邸之思二陝分疆莫遏懋崇之請宜敷帝祉
以荅毗諶惟庶正之隆名乃承平之異數昔優
褒於子弟今率用於典常載披輿地之圖雙換
齋壇之節民瞻爾赫荊州還府號之新慶積家
餘毫社契王封之舊予之多邑豐厥實輸誕頒
典冊之華諒愿旌倪之志於戲班高尹日夙嘉
眷見之朝賞候景風庸對夏時之吉惟制節謹
度則貴可長守惟以公減私則民其允懷歸寧

爾邦典聽朕教

史浩除右丞相制

門下朕儀圖俊傑勵相邦家受命溥將協濟藝
祖與王之業治民祇懼共恢光堯復古之勲念
美邛者累年嘗命龜而載卜人惟求舊旣朕志
之素孚民具爾瞻亦物情之衆允渙以大號揚
于外朝少保觀文殿大學士充醴泉觀使侍讀
永國公食邑七千五百戶食實封三千三百戶

史浩道廣而智周才宏而德備經綸之蘊蚤自
許於功名寬裕之懷時莫窺其器量東學翼天
飛之運中階符帝賚之祥自弼亮於初元即宣
昭於美業敬王如孟子非仁義不陳于前告后
若君陳有謀猷乃順于外方參和於鼎鼐旋力
解於機衡比趣召環進陪經幄姬公遄返初無
四國之言裴度來歸尚使兩河之畏屬宵旰勵
精之日適辨章虛席之時宜續前功再膺大任
易零陵之舊壤荒淇水之新封增衍土田併隆
體貌惟待之不輕則望之彌重惟始之不易則
終之實難予其仰成人且觀政於戲兆姓輯於
下然後可以調陰陽四維張於朝然後可以正
法度堅忠實之志則誕謾罔不革絕親黨之私
則除授罔不公使真枕如淳化雍熙之間而逐
衡如至和皇祐之際庶益光於舊學斯無負於
殊知

王牒所進三祖下第六世仙源類譜并仁
宗十年王牒提舉官少保右丞相史浩加
食邑食實封制

門下繫麟趾於周南賴姬公之協贊首猗那於
商頌資考甫之多聞有華公族之振振不顯湯
孫之穆穆惟時元老實企前良茲消吉以奏篇
爰演綸而賈衆少保右丞相衛國公食邑八千
五百戶食實封三千七百戶史浩碩才經世厚

德表民弼予一人夙推寅亮之美式是百辟綽
有柔嘉之風旣甄陶士類以圖寧亦斧藻皇猷
而助治念唐室開成而後肇新史牒之名暨我
家至道以來初紀神明之胄粵從時邁增廣宏
撫網羅屬籍之遺潤色累朝之盛命鴻儒而振
領率諸彥以成書登名數千備三祖本支之六
世垂裕億載次昭陵德業之十年嘗恭覽於昕
庭旋闕藏於邃宇肆甄乃績將進厥官屬避寵

以抗章即馳息而從欲寧無異數昭我至懷其
衍食於土田庸策勛於翰墨於戲慶僊源之遠
則親親之誼不可忘思祖烈之貽則繼繼之心
不敢怠蓋布在方冊者纂修之力而達乎朝廷
者輔相之功勉迪邦彝益光儒效

皇弟璩除少傅加食邑食實封制

門下詔爵祿以馭臣莫重貳公之任友弟兄而
為政蓋先九族之親乃眷宗英實聯貴介夙致
維城之助屢更考績之期越進新班式孚衆聽
少保靜江軍節度使克醴泉觀使恩平郡王食
邑一萬一千伍百戶食實封四千七百戶璩質
全樂易業懋溫純謹夙夜之操脩踐詩書之猷
訓振振其德閔睢之應賴焉韡韡其光棠棣之
華著矣一司屬籍十閱歲陰自改泣於內祠仍
燕居於東粵朕纂承滋久雍睦為先興言近族
之良每示注懷之厚昔相好矣豈忘爰處之時

今錫予之何待來朝之日是用誕頒典冊益固
盤維棘路增崇旣序陞於亞傳茅封加重仍並
行於多臑以圖夾輔之勲以教庶民之悌於戲
周尊冉季由克保於令名漢重河間在能幾於
大雅尚思前矩庸對茂恩

曾覲除少保改鎮充醴泉觀使加食邑食
實封制

門下八統馭民敬古在進賢之上三孤辨等正
儀高特揖之中眷念舊人獨存耆老久榮兼於
將相盍序進於班聯揆以剛辰告于列位武泰
軍節度使開府儀同三司充萬壽觀使信安郡
開國公食邑三千一百戶食實封一千三百戶
曾覲性涵溫厚識蘊通明辭章焜耀於一時議
論馳驅於千載事予潛邸夙罄於勤勞際我昌
期居多於忠益處燕閒而自適履富貴而能謙
歲月屢遷眷知彌異朕歷覽興王之代率優附

翼之臣誓紀帶河沛邑盡封侯之俊詩哥伐木
周邦多歸厚之民若時鮎背之賢可後龍光之
渥是用升華孤棘新亞保之威儀分鎮葭萌換
元戎之節制易使名於真館衍封食於上畬袞
繡有光綵綸甚寵於戲漢家再造賞朱祐之舊
恩唐室方興歎元超之白首勉思古誼益介多
祥

皇子永興成德軍節度使雍州牧開府儀
同三司判明州軍州事兼管内勸使兼汾
海制置使魏王食邑一萬一千戶食實封
四千四百戶愷加食邑一千戶食實封四
百戶制

門下朕消選言辛肇脩宗祀出款廟室入登堂
筵天施地生丕展精禋之報祖功宗德並嚴升
侑之儀和氣充於灌圭之時美光燭於奠玉之
際敷錫惠衍寵綏賢王具官愷明敏靖莊肅恭

和順翼翼動循於法度孜孜常警於宴安赤鳥
淑旂久賜真王之履朱轡森戟蕪分名壤之麾
屬重屋之親祠賴庶邦之職助雖乃身居外阻
大禧之是承而厥貢在廷異包茅之不入用申
加於井地仍載衍於戶租既增帝子之華亦顯
國容之盛於戲漢金酎于高廟有嘉藩國之恭
周賑歸于魯侯是錫天王之命以示榮懷之慶
以昭施報之息祇服寵光益堅忠孝

少保寧武軍節度使充醴泉觀使信安郡
開國公食邑三千八百戶食實封一千六
百戶魯觀加食邑七百戶食實封三百戶
制

門下朕率朝紳而款清廟備法駕而登總章桂
栢再重次帷宮而肅若經涂九軌行玉輅以安
然旋觀周道之砥平喜見漢官之儀盛言念初
潛之舊實宣使領之勞顯布綸言誕敷祭福具

官曾覲宇量寬博材資肅良保躬存劼毖之心
衛上體忠純之度閱巾箱而考古夷雅自將執
皮帛以會朝應恭匪懈屬宗祈之協吉躬裸獻
以告虔一純二精旣內殫於誠意千乘萬騎亦
外展於祲威紛祝嘏之告祥知乾坤之饗德是
廣配天之澤載推加地之恩於戲祀文王於明
堂方祇念儀刑之典授武帝之神筴敢獨當贊
饗之辭有嘉者艾之臣均昇神明之貺往膺徽

數益勉令猷

安德軍節度使開府儀同三司充萬壽觀
使天水郡開國公食邑三千一百戶食實
封八百戶趙伯圭加食邑七百戶食實封
三百戶制

門下朕荷高厚顧館之久念祖宗開創之艱稽
世室之前規講季秋之大報酌于玉爵質固異
於陶匏敷以純筵禮亦殊於蒲韎旣情文之具

舉宜幽顯之來歆眷念宗盟分頒祭澤具官趙
伯圭襟靈粹遠識量寬洪璧琮溫潤以無瑕鍾
呂鏗鏘而有度鎮臨近輔昔高牧御之才願燕
殊庭今嗜詩書之樂適拜熙成之况思形廣爰
之風越增衍於土田示登昭於物采於戲周邦
助進固無同姓之皆來漢室侍祠亦有列侯之
不至必親以朕膺之賜庸展夫骨肉之恩永享
于休毋替朕命

慶遠軍節度使提舉江州太平興國宮武
功郡開國公食邑 千 百戶食實封
千 百戶成閔加食邑五百戶食實封二
百戶制

門下朕命駕神宮鳴鑾御道戎容視漢主燾稍
於金吾儀物從周交旗常於玉輅倣拜堪輿之
况載興鞶鼓之思具官成閔噐質沉雄材資敏
銳夙講明於軍志深練達於武經久護殿巖嘗

專闔制詔弓掛壁雖自適於安閑賜節在門亦
坐膺於榮寵屬受釐於宣室方需澤於綿區魯
是將臣可無餒惠旣益戶封之數仍豐幹食之
輸於戲靡愛斯牲神我聽而有慶使羞其行福
汝錫以無忘徃服息章尚思報效

皇叔祖保康軍節度使提舉佑神觀天水
郡開國公食邑一千百戶食實封一千
百戶士歆加食邑五百戶食實封二百

戶制

門下朕齋精浹日獻饗九筵誠意上孚霽秋霖
於俄頃景光下燭澄浩月於通宵克迓殊休聿
褒近屬具官士歆性資夷曠業履溫純位不期
驕籍甚宗明之譽富而好禮穆然朝會之容比
稽用於陟文嘗進加於寵數遙臨外鎮有華栢
邑之戈恪奉內祠載揖浮丘之袂逮陪宗祀思
廣惠心斥采邑之爰田衍真畬之幹食以昭邦

錫以侈宗強於戲對越而儀德方侔於覆載念
茲烈祖思敢後於本支體予睦族之仁謹爾脩
身之度

昭慶軍節度使致仕武功郡開國公食邑
千 百戶食實封 千 百戶劉懋加
食邑五百戶食實封二百戶制

門下祀神所以報本貴老所以廣恩唐漢以還
饗帝必嚴於烈祖商周而上省方先見於高年
茲竣事於堂筵肆均釐於耆舊具官劉懋受才
膚敏毓性寬和聯戚里之光榮被慈皇之眷簡
清風雅志久懷洪景之衣冠黃髮秀眉幾類武
公之年數安車甚適舊節故存雖莫預於奉璋
顧豈忘於賜胙戶封彌廣圭食加多用侈閑休
且綏遐福於戲祭統之倫有十蓋辨親䟽達尊
之道有三亦先爵齒欽承餽惠永保期頤

五公入選
卷一

...

...



